

國民

息烽縣志

民國·王佐 樊昌緒 修 顧樞 纂
民國二十九年成書 未刊 三十八卷

一九六五年貴州省圖書館據息烽縣

檔案館藏本複製油印本 附校勘記

息烽縣志複製說明

息烽縣志，王佐創修，樊昌緒續理，顧樞纂輯，民國二十九年成書，未刊。原稿現存息烽縣檔案館。

原稿已分卷，但未編序次，複製時按原目建置，學校、官師、食貨、方物、風土、諸夷、獻徵等八志之序次編為三十八卷，其中疑闕人物志列傳部分若干卷。

獻徵志中之下列各文，或與地方關係不大，或以內容反動，在複製時已刪去。

(一) 宣言三篇

息烽縣志

複製說明

一

1. 臨時大總統就職宣言(民國元年元月)。

2. 國民黨第一次全國代表大會宣言。

3. 國民黨總理北上宣言(民國十三年十一月十日)

(二) 訓令二十六篇 為大總統整頓教育令、大

總統注意國民教育申令及民國十九年二月

至二十六年五月偽國民政府訓令二十四篇。

(三) 蔣介石「國府紀念週談話」及「廬山談話」各一篇。

本志經實地採訪者，不及半數，餘則抄自其

他舊文獻，錯訛遺漏甚多，複製時已據其他文

獻，進行校正。為便於讀者參考，編有校勘參

考書目及「校勘記」，附於書末。如有不妥之處，請批評指正。

承息烽縣檔案館借給藏本，謹此致謝

貴州省圖書館

一九六五年十一月

息烽縣志

複製說明

二

息烽縣志序

顧樞

今之方志不始自今麗於地者人麗於人者事人事之繁興
 則地著地著則天可弗違而經之緯之仍不離乎仰觀俯察
 以極夫芸芸混混之日用尋常日增乎月月累乎年年復層
 遞而上以成往古往古非別一天地也天地無際而有際也
 人事無窮而有窮也天地際於運旋之周人事窮於往來之
 會往者非古而來者非今今不生於古古不越於今則人事
 果窮而天地失際此豈遠者之為言而能戴履乎兩間者哉
 混沌窮奇非古人也魍魎魍魎非原鬼也飛輪潛艇文明之
 機而殺人以逞之具也古不若也混沌窮奇魍魎魍魎若或
 遺之糜軀遁形也息烽本無混沌窮奇息烽更無魍魎魍魎

息烽縣志

序

一

潛艇則徒聞而日懼飛輪也人事之繁興夫不析修文為縣
 而地著哉禦寇於數千里之外息烽有其人矣深蘊於南望
 而待發可資遠邇之取携者息烽有其物矣息烽不少受學
 之英息烽不少識時之傑而謂息烽可無紀述地著之文以
 昭繁興之人事也縣隸於貴州行省省隸於中華民國中華
 民國不畏潛艇飛輪行看禦寇成功光我堂堂之華族建我
 泱泱之華國息烽縣人豈能無與於榮幸哉今之息烽夫豈
 非古之息烽哉古今之息烽其人事之蟬聯夫豈有異於中
 華民國者哉中華民國非今非古是古是今自古至今之中
 華民國其以三民主義而繼往開來尤為禦寇之本能而又
 豈非溯源五千載薈萃其精蘊以董正其經緯者哉中華民

國紀述地著之大文且將有無際無窮之瓌麗典則而不遺
 乎一方一隅也若息烽者又豈非中華民國之一方或一隅
 者哉息烽今而乃有紀述地著之文誠亦知夫無所逃於中
 華民國之一方一隅故亦本其所負而有如斯之一舉也夫
 如斯之一舉寧得自謝其不足麗於方志者乎今之為方志
 者亦眾矣內政部之頒達於行省於諸縣其主旨其條例為
 方志者要無不知之矣若夫地以人著人以地名誠有不易
 之理焉假不合事物以纂組之又安見其文之能成俾展卷
 者之不厭也會稽章實齋氏之生平豈不以閱歷志事深自
 負哉然而湖北通志之不易為功天門縣志之未臻其滿則
 章氏之深所自負與其所處或猶有鑿不協枘之所以然者

息烽縣志

序

二

哉新化鄒叔績氏之旅於貴州也歷纂貴陽興義大定安順
 四府志而大定府志今已遺佚若安順府志之遭受譏評則
 鄒氏之後人已申白其所以然矣同時遵義鄒子尹氏獨山
 莫友芝氏共纂成遵義府志乃盛稱於國中豈非方志之可
 觀者乎近時各行省及諸縣之通志縣志或續修或新修或
 已成或未成其不違乎內政部所頒主旨及條例本其所見
 所聞以纂組而就功者踵相望也息烽析置既竟後十有五
 年縣之人士羣以志在必修而費之當有所出也爰乃集議
 籌資設局經始縣人王佐天梯實總其事採訪有得測圖既
 竟將事纂述而貴州軍民長官頻頻內訌去來靡常衛送兵
 役動逾千百其過縣境雞犬無聲而斯事之中輟豈縣人所

願者哉無何則紅軍兩度經黔入蜀雖不館殺於息烽息烽
公又豈有不聞聲而潛伏者哉 概之流寓於貴陽也蓋亦十
有餘年先識修文人士以斯事相委託得遊陽明洞三湖水
以仰瞻姚江遺澤及由修文仍返貴陽寓廬民國廿三年春
始與天梯相識數度往還天梯始告以有所委託也翌年之
秋復郵書申前說其冬因他事臨貴陽仍視概而益致殷勤
哀病餘身其忍拂天梯之推重不為之一效檢輯之勞也乎
又翌年春因事一返故里鄉人方欲以續修安順府志之採
訪見屬乃天梯之郵書又達前言不可忘遂辭鄉人而報書
於天梯也旋由故里達會城未數日則天梯亦至聚談數度
遂與天梯同達息烽已而偕遊西望山登臨累日頗極覽眺

息烽縣志

序

三

之致西望遊歸忽感疾困療治靡瘳竟病榻纏綿幾至不起
商之天梯允暫返貴陽寓廬畧事靜息乃自秋徂冬惟呻吟
喘嗽之不可却餘事皆度外置之歲事將周天梯又臨視病
軀惟時幾於不食不言天梯更寬譬之且給醫葯之資又代
延良醫以望其迅痊也一十六年暮春始得少減喘嗽再達
中夏勉扶杖而行而蘆溝之禍已作頃之天梯復偕來息烽
精神之衰減食息之靡調而日聆海畔之消息奮感抗敵之
雄圖久痼反得以速瘳飲食仍歸於常調爰乃張其本網析
其分目時揮拙穎漸就刪擷天梯忽被省政府檄以勤能得
超擢促其就任安龍縣縣長於是縣人樊昌緒先知代天梯
繼其主持概則一循常軌不紊毫忽惟局址之一再遷移致

志事之不免停輟二十九年一月之杪勉告厥成大體雖具
小疵未檢時不我與去意尤切故撮崖畧寫冠其端如曰不
然別備高明

中華民國二十九年一月三十一日

息烽縣志

序

四

息烽縣志目錄

卷首

序

目錄

息烽縣地圖

建置志

卷一 疆里

卷二 沿革

卷三 祠祀 壇廟寺觀附

卷四 城池

卷五 關梁

息烽縣志

目錄

一

學校志

卷六 制科 選舉 學校

官師志

卷七 職官上

卷八 職官下

食貨志

卷九 農業 蠶桑附

卷十 林業

卷十一 工業

卷十二 礦業

卷十三 商業

方物志

卷十四 動物部 獸畜類

卷十五 動物部 禽畜類

卷十六 動物部 鱗介類

卷十七 動物部 昆蟲類

卷十八 植物部 穀類

卷十九 植物部 蔬類上

卷二十 植物部 蔬類下

卷二十一 植物部 木類

卷二十二 植物部 竹類

卷二十三 植物部 花類

息烽縣志

目錄

二

卷二十四 植物部 果類

卷二十五 植物部 百卉類

卷二十六 礦物部

風土志

卷二十七 風俗

卷二十八 氣候

卷二十九 方言

諸夷志

卷三十 土司

卷三十一 苗族

獻徵志

卷三十二 勅 詔 諭 奏 疏 摺
卷三十三 公文 飭 書 狀 頌 贊 箴 銘

論 說

卷三十四 答 問 解 考 傳 序

卷三十五 紀 事 記 碑 記 文

卷三十六 議 教 表 誌 跋 啟 小 引 書 後

卷三十七 賦 歌 詩 餘

卷三十八 詩

息 烽 縣 志

目 錄


三

息 烽 縣 圖

息 烽 縣 志

息 烽 縣 地 圖

一



息烽縣志卷一

建置志

疆里

國家統理土地人民經畫既詳則敷治無難自炎黃以至於今之中華民國經封建郡縣而成為時制數千年嬗變其山川之表望固依然也其施設治理則必循其所以然也息烽之為縣易名於貴筑析地於修文且割開陽貴筑之各一隅以增成全境廣袤雖皆不及百里而名山大川巍然勃然亦有灼灼之原隰陂陀綿延又彌望皆是居為樂土之人幾及十萬公路之幹線已貫穿南北一二支線且將繼成鐵路敷設更當不遠抗建成功而後躍為西南

息烽縣志

卷之一 建置志 疆里

之繁縣尤無可疑方聞載筆何可忽諸志疆里

第一區在縣治內東至開陽縣界二十六里南至二區上陽朗八里西至七區皂角樹四十里北至三區乾溝河二十里東南至開陽縣狼雞嶺二十里西南至二區長嶺崗十里東北抵三區二壘巖二十里西北抵六區熊家莊三十五里統保六有場子午日集

第一保在城內東至接三區雨洒約三里南至接二保半邊街約三里西至二保團圓山脚約一里北至接四保大峯丫五里管寨十居民八百餘戶

第二保在下陽朗在縣城南七里東至接開陽縣界十五里南至接二區界一里西至接五保底寨十里北至接一保龍

瓜樹四里管寨十六居民二百餘戶

第三保設上原距城東十五里東至接開陽洋水八里南至接二保丁木樹七里西至接一保漆樹溝六里北至接四保茅坪十二里管寨十三居民一百餘戶

第四保設東三寨距城北十五里東至接三區二壘嶺十里南至接一保大峯了約五里西至接五保河十二里北至接三區小黑神廟八里有場己亥日集管寨十四居民二百五十餘戶

第五保設底寨在城西十二里東至接一保棉花坪八里南至接二保水頭渠二里西至接二區水落洞十里北至接三區兩河約八里有場辰戌日集管寨二十一居民四百餘戶

息烽縣志

卷之一 建置志 疆里

二

第六保設新寨溝在城西北二十五里東至接五保下渠六里南至抵二區大陵口約十里西至接七區蓮花山十二里北至接三區鹿窩六里有場寅申日集管寨十八居民五十餘戶

第二區陽朗渠距城十二里東至接狼雞嶺屬開陽二十里南至修文屬羊馬田二十五里西至高田坎三十二里北至下陽朗四里東南至卡子門十五里東北至狼雞嶺二十里西南至子種山五十里西北至第一區珠場十五里統保十有場己亥日集寅申日復集

第一保在陽朗渠距城十二里東至接對門寨一里南至接平橋半里西至接老街口半里北至接長嶺崗四里管寨三十

居民一百七十餘戶

第二保設翠柏鄉距城十三里東至接立碑哨半里南至接毛狗冲二里西至接蘆稿坪六里北至接出水洞七里管寨七居民一百四十餘戶

第二分保設純孝鄉距城十二里東至接蔡家寨一里南至接羅蘭洞丫口六里西至接老鴉河十里北至接平橋半里管寨七居民一百四十餘戶

第三保設銅泉鄉距城二十里東至接上紅馬六里南至接涼水井四里西至抵杜家丫口一里北至接老安寨八里管寨七居民一百四十餘戶

息烽縣志

卷之一 建置志 疆里

三

第四保設鎮南鄉距城二十里東至蘆稿坪三里南至黑土坡五里西至洗亞五里北至紅巖三里管寨四居民三十餘戶

第五保設黎安鄉距城四十里東至灰么六里南至羊馬田四里西至鄧家林三里北至老鴉河黑土坡管寨七居民一百五十餘戶

第六保設平等鄉距城四十里東至鄧家林五里南至五個坡四里西至洋老冲六里北至老鴉河四里管寨十居民一百五十餘戶

第七保即青雲鄉前打鐵冲距城三十里東至青山五里南至雨鮮四里西至高田坎七里北至中和堡八里管寨十居民二百餘戶

第八保設奇迹鄉在修文之東北息烽之西南距城五十里東至高寨二里南至大田壩一里西至橋邊一里北至新寨十里管寨四居民一百五十戶有場辰戌日集

第九保設德風鄉距城三十里東至規槽坡五里南至洗野五里西至高寨五里北至羊跪田七里管寨八居民一百四十餘戶

第十保設鄰義鄉距城三十五里東至橋邊二里南至獐老冲八里西至洗羊塘六里北至高安所五里管寨五居民一百四十餘戶

第三區黑神廟距城二十五里東至開陽縣界二十五里南至一區乾溝河四里西至六區仙佛寺二十里北至五區石碑七里東南接一區南山高茶樹十五里西南接一區火星山二十里東北接四區板橋二十五里西北接五區毛坡二十里統保六有場辰戌日集

第一保設黑神廟距城二十五里東至三保新場八里南至一區乾溝河四里西至二保河邊五里北至五區石碑五里管寨七居民三百餘戶

第二保設湖水場距城二十五里東至一保河邊一里南至六保五里西至五保六里北至一保一里管寨六居民二百餘戶有場己亥日集

第三保設南山距城三十五里東至開陽界六里南至一區八里西至一保五里北至四區十里管寨九居民二百餘戶

息烽縣志

卷之一 建置志 疆里

四

有場子午日集

第四保設荷包場距城三十七里東至五區五里南至一保三里西至五保河邊五里北至五區五里管寨六居民二百餘戶

第五保設王家坪距城四十里東至河邊五里南至二保丹山坡五里西至六區四里北至荷包場四里管寨十二居民二百餘戶

第六保設麻窩距城二十五里東至一區河三里南至一區二里西至六區四里

第四區養龍司距城五十里不接開陽陽水四十里南接五區茅草寨西接五區馬尾槽十里北接烏江河四十里東南接平山十五里東北接紅水營三十里西南接畫眉灣十里西北接神耳巖十里有新舊兩場新場逢申日集舊場逢寅日集統保四

第一保即中水保距城五十里東接龍場坡六里南接光石板八里西接鐘家山河三里北接小水坪六里管寨九居民二百八十餘戶

第二保即司內保距城五十里東接一保河溝五里南接茅草寨十五里西接馬尾槽十里北接新場二里有場逢寅申日集管寨八居民三百餘戶

第三保即石頭田距城七十五里東接大塘口二十里南接開陽王家溝十五里西接二保屏山十二里北接四保大塘

息烽縣志

卷之一 建置志 疆里

五

寨二十里管寨八居民一百五十餘戶

第四保在大土距城六十里東抵山脚石五里南抵三保雞公井五里西抵五區大坪坳五里北抵下半團盤龍寺五里

管寨七居民一百三十餘戶

第五區設養龍站距城北七十里南至石碑與三區連界三十里北至烏江岸十五里東至馬尾槽與四區連界十里西至茅坡與六區連界三十里區內分下水保上水保西流保美竹箐保四保子午日集場

第一保即下水保在區東領市場二村寨七養龍站場子午日集江土場已亥日集舊寨壩董家坪高家院小水葉兒寨乾溪王家寨大小七寨居民四百餘戶

息烽縣志

卷之二 建置志 疆里

六

第二保即上水保在區南十五里有市場二村寨五排沙堡場卯酉日集核桃箐場丑未日集茅草寨親戚寨方家坪大屋基三望坡共五寨居民約四百戶

第三保即西流保在區西二十里有市場一村寨十二茅坡場已亥日集葉家溝媽蝗箐冉家寨平所摩河水桃子台高洞中寨大屋江馬坡水頭寨苗田大小十二寨居民約三百餘戶

第四保即美竹箐在區北五里有市場一村寨八美竹箐場丑未日集鹽倉壩大水井平塘金竹寨傅家坪小院子養龍槽新寨大小八寨居民約五百戶

第六區設流長距城六十里東至五區養龍站茅坡三十里

南至三區王家坪三十里西至七區九莊涼水井三十五里

北至黔西縣後山十五里東南接三區荷包場三十五里東北接五區大霧江及黔西青山三十三里西北接七區黃馬田二十八里西南接西山三十七里舊為仁和里中四甲專指流長統保七

第一保即流長鎮距城六十里東至頭道河十五里南至露頭山六里西至長冲溝八里北至麻坪十二里居民一百二十餘戶有場子午日集管寨七舊為仁和里中四甲有金鐘霧頭二大山

第二保即茶園脚距城六十二里東至猪槽水八里南至大巫山三里西至鄧家灣五里北至大塘河十二里管寨九居

息烽縣志

卷之二 建置志 疆里

七

民一百三十餘戶亦屬仁和里中四甲有大巫雲頂二大山第三保即三坡鄉距城七十里東至麻樺山五里南至接龍坑七里西至殺人坳六里北至袁家壩七里管寨七居民一百一十餘戶舊為仁和里下四甲內有沙坡老廟因龍朝山諸大山

第五保即草壩乾溪距城五十里東至露頭山六里南至頭道河七里西至草壩九里北至紅土十二里有場寅申日集管寨六居民一百一十餘戶舊為仁和里七半甲有真武山風打嶺麻沙河

第六保即水頭鄉距城五十里東至蓮花山十五里南至涼水井五里西至大田坎六里北至水交連四里管寨五居民

一百一十餘戶舊為仁和里七甲有倚山西山桐子林河龍洞溝

第七保即鹿窩鄉距城五十餘里東至觀音巖五里南至鹿窩場五里西至馬頭山七里北至甕桶河十里有場逢丑日集管寨四舊為仁和里七甲有馬頭山鹿窩河

第七分保即同化鄉前冗壩距城三十里東至沙灣五里南至落鬼壩三里西至青山三里北至水落洞四里管寨八居民一百餘戶

第七區設九莊距城七十里東至第一區西望山三十里西至修文縣官寨八里北至黃沙河三十里按永樂十一年二月設有黃沙渡谷龍二十一南至第八區民國八年分西區南段石洞一帶營地為西二區現改為第八區

息烽縣志

卷之一 建置志 疆里

八

盤山十五里東南至第八區馬落巖二十二里西南至修文屬天生橋十五里西北至修文屬賈家寨三十二里東北至六區甕桶河五十里廣約三十二里袤約五十里統保十舊為信順里五七甲及上下八甲在仁和里下八里

第一保即九莊場距息烽城七十里東至朱家河約一里西至煙房溝不及一里南至大坪約一里北至北門橋不及一里編里三原為第一保現改九莊鎮居民三百八十餘戶有場寅申日集舊為信順里七甲

第二保即隴頭距城六十五里東至第三保上寨里許西至第七保撒孔槽之九莊河三里許南至第三保石關口三里許北至第八保椿尖樹五里許管寨六居民一百五十餘戶

舊為信順里七甲及八甲新田溝張家現改名福隆鄉編里四市九莊

第三保即公寨距城六十二里東至本區獨立里巖其坡山嶺里許西至第五保桐梓坡三里許南至第四保占家槽四里許北至第二保大灣里許管寨七有居民一百餘戶舊為仁和里下八甲甌脫地及信順里五甲七甲地現併獨立里改名銅鼓鄉編里四市九莊

第四保即魯里街距城五十八里東至第一區西望山五老峯十里西至本區第五保毛狗寨六里南至第八區營盤山八里北至第三保銅鼓寨三里許管寨六編里四有居民二百餘戶昔為信順里五甲地民國十一年編為保十九年改

息烽縣志

卷之一 建置志 疆里

九

為鄉現名魯儀鄉市九莊及本保梨樹坡逢辰戌日集第五保即桐枝驛距城六十八里東至本區第三保排樓山西至修文縣屬第七區殺灣三里許南至第八區羊黃寨十二里北至本區第六保沙冲三里許管寨十一編里四舊為信順里五甲地現改為鳳集鄉市九莊居民二百餘戶

第六保即甲堡寨距城六十八里東至本區第三保姜家坡六里許西至修文縣屬第七區官寨八里許南至第五保楊家海三里許管寨七編里三居民二百餘戶舊為信順里七甲地現改為甲堡鄉市九莊

第七保即柏香灣距城八十五里東至第八保沙羅寨十二里西至修文屬賈家寨十里南至修文屬官寨十里北至第

九保榔樹坪二里許管寨十二編里五居民二百八十餘戶昔為信順里七甲地現改為柏茂鄉市九莊

第八保即竹花壩距城七十五里東至第六區黃家灣十五里西至第七保藍家寨三里許南至第二保新田溝五里北至青桐坡八里許管寨編里五居民三百餘戶有場丑未日集居民仍市九莊

第九保即洞上距城九十五里東至第十保雨淋河十五里西至第七保瓢兒箐五里許南至第七保柏香灣五里許北至黃沙河岸五里管寨八編里四居民二百八十餘戶昔為信順里上八甲現為孚信鄉市九莊及黔西屬黃沙河場

第十保即黃馬田距城九十里東至第六區甕桶河十里西

息烽縣志

卷之一 建置志 疆里

十

至本區雨淋河六里許南至第八保老堡山下寨十八里北至烏江河畔十里管寨十編里四有居民三百餘戶舊為信順里下八甲現改為敦信鄉有場子午日集居民仍市九莊流長大鹿窩

獨立里即護溪坡俗名花距城六十里東至第一區鐵鑪五

里許西至第二保上寨六里許南至第三保銅鼓寨丫口二

里許北至第六區燒炭田二里許管寨三居民五十餘戶昔

為信順里七甲地民國十一年編為里屬西區十九年改為

鄉歸併銅鼓鄉

第八區設石洞距城五十里東至第二區土地丫十里南至修文屬之年及二十里西至修文屬之石灰洞十七里北至

第七區之排接山十五里東南至第二區之青山大窰十二里東北至第一區之油桐溝十二里西南至修文屬之鐵廠

壩十五里西北至修文屬之白岩廠二十里廣約二十餘里袤約三十餘里舊為信順里四甲五甲地

第一保即石洞場距城五十里東至獅子口二里南至雞爬坎一里西至三棵樹三里北至大路槽子一里許居民一百三十餘戶管寨二現編為鄉鎮名石洞鎮第八區公所設此有場卯酉日集

第二保即木杉堡距城五十里東至斑鳩等三里南至大路槽子四里西至沙坡三里北至荒了口三里居民一百六十餘戶管寨五現名木林鄉

息烽縣志

卷之一 建置志 疆里

十一

第三保即青杠寨距城五十里東至雞爬坎二里南至李家壩十里西至小冲溝七里北至石碣場後三里居民一百八十餘戶管寨九現名清白鄉

第四保即王龍壩距城六十里東至小冲溝五里南至大苗

寨三里西至修文屬之鐵廠壩及濫泥山八里北至高坡七

里管寨二現名王龍鄉

第五保即龍家冲距城六十五里東至汪冲三里南至碑二

里西至排坡六里北至大洪寨黃廠八里管寨五居民五百

三十餘戶現名農盛鄉

第六保即何家洞距城六十里東至田家壩二里南至王龍壩三里西至修文屬之石灰洞及石碣五里北至小洪寨

四里管寨四居民一百四十戶現名新華鄉有場辰戌日集
第七保即水頭距城五十四里東至姨媽寨三里南至大丁
口三里西至石洞四里北至仙人墮石八里管寨四居民一
百二十餘戶現名水頭鄉
第八保即桃子坪距城四十六里東至沙槽三里南至墮石
五里西至羊荒大槽十里北至馬路岩三里居民一百四十
餘戶管寨七現名桃花鄉

息烽縣志

卷之一 建置志 疆里

十二

息烽縣志卷二

建置志

沿革

息烽縣地於禹貢為梁州南徼

乾隆貴州通志貴陽府禹貢梁州南境荒服之地

貴陽府志胡渭禹貢錐指云梁南自宜賓以西至會川諸

州縣凡在瀘水馬湖江之北皆梁域宜賓以東至巫山諸

州縣凡在大江之北者皆梁域其南皆西南夷也按臚明

之意以禹貢黑水有二而謂梁州之黑水即瀘水故其說

如此然實支離而背於古不可用也禹貢之黑水或以為

瀾滄或以為潞江或以為金沙江三水者皆入南海於此

息烽縣志

卷之二 建置志 沿革

一

求黑水庶乎近之然瀾滄則以先儒之說定之而知其非

大金沙又大遠潞江其是乎經云導黑水至于三危入於

南海又云黑水西河維雍州又云華陽黑水為梁州是黑

水出雍州之地至三危經梁州入南海也地記云三危在

鳥鼠之西南而當岷山又在積石之西南當黑水祠黑水

出其南脇水經注引山海經三危在燉煌南與岷山相接

山南帶黑水鄭康成尚書註云按漢書地理志益州滇池

有黑水祠而不記水之所出即今中國無之按漢代永昌

郡境渡瀾滄據鄭云今中國無之則黑水尚在瀾滄之外

故知瀾滄非也考今星宿海在巴顏喀喇山東北三百里

巴顏喀喇偏西廿度極高三十五度即古之積石也四川

邊外九里古拉達罕山即茂州之鐵豹嶺古岷山也偏西十四度八分極高三十二度七分而潞江之源布喀鄂模偏西二十五度極高三十二度五分是其地東當岷山而在積石之西南也於烏鼠則正西南無疑又遙直接燉煌郡之南少西由是言之則三危山蓋布喀山巴哈諾英渾巴什山衣克諾英渾巴什山是也三危地即衛地也潞江之源蒙古稱之為哈喇烏蘇哈喇者黑而烏蘇者水也潞江有布喀鄂模連滙為厄爾及根衣達喀喇三鄂模喀喇鄂模水黑故名其事又與天問黑水元趾之說相證愈知潞江即黑水矣今青海及衛地為雍州之西南故曰黑水西河為雍州也今喀木金川為梁地故曰華陽黑水維梁

息烽縣志

卷之二 建置志 沿革

二

州也晉地道記曰梁州南自桓水西抵黑水東限捍關自桓水以南為夷書所謂和夷底績也禹貢曰和夷底績鄭註曰和土夷所居之地和讀曰桓地理志曰禹貢桓水出蜀郡蜀山西南行羌中入南海按桓水為梁州之南界原當蜀郡之西南而委入南海非瀾滄孰是瀾滄之源在諾英渾烏巴什山東北三百餘里當衛地之東界喀木之西北界經雲南老撾入安南為富良江尚書大傳以南交為荆南垂之地則雲南老撾皆梁西南垂之地貴州固在其中矣肅明畫江為界乃小乎道光遵義府志禹貢維指梁州下青徐二州殷周迭為有無獨梁則二代皆無之其故何也按武王伐紂誓于牧野

諸侯會師者稱之曰友邦家君而庸蜀羌髳微盧彭濮八國則稱曰人不以諸侯待之傳曰八國皆蠻夷戎狄屬文王者正義曰此皆西南夷也通典曰梁州當夏殷之間為蠻夷之國所謂巴蜀彭濮之人由是觀之殷周之世梁地大半變於夷故此州遂廢先儒多言梁并於雍惟賈公彥云雍豫皆兼梁地而林少穎又云江漢發源梁州而職方為荊州川則荆亦兼梁地此言尤為精核蓋殷周之制豫皆以漢水為界梁州之地自岷冢以東分屬荆豫而岷冢以西則雍兼之其地皆為蠻夷雖并於雍而禹貢梁州之山川無一入職方者大抵如唐宋之羈縻州元明以來之土司簡其政令寬其賦歛以柔擾之使為不侵不叛之臣

息烽縣志

卷之二 建置志 沿革

三

而已建州設牧非其所宜故終殷周之世梁州不復置也荊州下通典所列黔中寧夷涪川播川夜郎義泉溱溪七郡皆梁南徼外蠻夷非古黔中地不在九州之限又云梁自宜賓以西至會川諸州縣凡在瀘水馬湖江之北者皆梁域宜賓以東至巫山諸州縣凡在大江之北者皆梁域獨山英興傳都勻府自南齊以上地理考都勻府蓋禹貢梁州東南裔按以華陽國志黑水荆及衛陽求禹貢荆梁二州之境黑水鄴道元謂一曰瀘水若水馬湖江出姚州徼外東北至敘州宜賓縣入江胡肅明禹貢維指定以為金沙江是也金沙江自敘州府會岷江其南即接貴州西北界衡山在今湖南衡州府其陽則為廣東連州湖南永

州府其西為寶慶府靖州即接貴州東界則今貴州一省
黎平鎮遠銅仁三府松桃一廳有漢武陵地接近衡陽當
為荊州西南裔而其餘貴陽都勻安順興義大足遵義石
阡七府平越直隸州普安仁懷兩直隸廳並有漢牂牁郡
地稍及犍為郡邊地及思南一府有漢巴地者皆接近黑
水當為梁州南裔觀漢改梁州為益州牂牁郡為巴皆庸
益而武陵屬荊意當日去夏未甚遠尚有其大較也

按胡氏定梁州地域自宜賓上下以金沙馬湖二江為
界其在江北者皆梁州在江南者皆梁南微外蠻夷則
今息烽地不入梁州而以華陽黑水為限考道光遵義
府志夏禹以前青陽降居江水昌意降居若水巴蜀之

息烽縣志

卷之二 建置志 沿革

四

地其封建與中州同至殷周之間多變為夷二代因廢
梁州其間蠻夷君長各守其地如史記西南夷傳所稱
某以十數其最大者當不始自秦漢周以前有其跡矣
其中之國大莫如蜀自武王伐紂八族相從蜀則威日
以遠境日以拓旁近諸夷國皆受其臣使爾後司馬錯
張儀並稱蜀西僻之國戎狄之長也華陽國志云蜀地
東接於巴南接於越北與秦分西奄峨嶓其言南界接
越於古之蜀境精核不易今息烽地在秦以前當蜀之
東南鄙何以明之通鑑秦始皇三十三年畧取南越地
置象郡漢書昭帝紀元鳳五年罷象郡分屬鬱林牂牁
以山海經沅水出象郡證之今沅江上源在平越都勻

縣界內則今烏江南岸即古之越秦之象郡地漢牂牁
郡所領之十七縣是從犍為郡來隸且蘭無斂即清
之貴陽都勻平越鎮遠各府州轄地要皆從象郡地分
出是終西漢之世次第建置郡乃得十七縣非建郡時
通置可知特史於各縣例不詳始設何年故無從考然
漢南越之境必不踰烏江而西則蜀地南接於越必即
以烏江為微今息烽位烏江南岸為漢之牂牁郡秦之
象郡地禹貢梁州之南微無疑也

殷周皆荊州西南裔

乾隆貴州通志貴州在唐虞時為夏書禹貢梁州之南裔
荊州之西鄙因於夏無所損益

息烽縣志

卷之二 建置志 沿革

五

貴陽府志禹貢雖指云周無梁州先儒多言梁并於雍惟
貢公彥云雍豫皆兼梁地而林少穎曰江漢發源梁州而
職方為荊州然則荆亦兼梁地此言尤為精核由是言之
貴州為荆西裔為確

莫與傳都勻府自南齊以上地理考按爾雅釋地周官職
方皆無梁州胡岫明曰武王誓牧野於庸蜀羌髳八國則
稱曰人不可以諸侯待之傳曰皆蠻夷戎正義曰皆西南夷
也通典曰梁州當夏殷之間為蠻夷之國所謂巴蜀彭濮
之人由是觀之殷周之世梁地大半變於夷故此州遂廢
先儒多言梁并於雍貢公彥云雍豫皆兼梁地而林少穎
又云江漢發源梁州而職方為荊州則荊州亦兼梁地此

言尤為精核然今貴州一省在殷周皆為荊州西南裔矣
春秋時為牂柯國地

道光遵義府志云管子小匡篇云桓公曰余乘車之會九
兵車之會三九合諸侯一匡天下南至吳越牂柯雕題黑
齒荆夷之國莫違寡人之命註皆南國號是齊桓定霸之
時南夷已有牂柯國其國雖不知始於何時要自周以來
即與雕題黑齒著號荒服較然矣

莫與儔都勻府自南齊以上地理考按管子小匡篇桓公
曰南至吳越巴牂柯帳不庾雕題黑齒荆夷之國莫違寡
人之命註皆南夷國號然則其時南夷已有牂柯矣華陽
國志後漢書西南夷傳並謂莊踰沅沅伐夜郎極船於岸

息烽縣志

卷之二 建置志 沿革

六

以且蘭有極船牂柯處乃名且蘭為牂柯此乃在其後恐
傳聞之辭管子以牂柯與吳越巴荆並言則其國必不小
意當時此國必如漢之南越能役屬羣小國其時大竹未
出竹王未生尚無夜郎國其國當自巴以西南並夜郎及
以南之地幾與南越接故史漢並云道西北牂柯江江廣
數里此言接南越之處又云夜郎者臨牂柯江江廣百餘
步此言當後夜郎境中如此廣遠皆得牂柯之名其國之
大可知故漢牂柯郡故地外尚恐有其國地也後雖此國
漸微他小國各自雄長而故名時存故置郡時以最大之
夜郎而不以名郡亦以牂柯又古最大之國耳
道光遵義府志牂柯考牂柯郡所以名漢以後有二說華

陽國志云莊踰出且蘭伐夜郎植牂柯繫船踰王滇池以
繫船因名且蘭為牂柯國此一說也水經注牂柯江中兩

山左思吳都賦所謂吐浪牂柯今吳都賦後漢志註云牂

柯江中名山通鑑注引今後漢志注無此文此又一說也今按踰之王滇

史記在楚威王時後漢書在頃襄王時要其時並在戰國

據管子小匡篇云桓公曰余乘車之會九兵車之會三九

合諸侯一匡天下南至吳越巴牂柯帳不庾雕題黑齒荆

夷之國莫違寡人之命註皆南夷國號是齊桓定霸之時

南夷已有牂柯國其國雖不定始於何代要是自周以來

即與雕題黑齒著號荒服先於莊踰六七百年不待踰以

船代為名較然矣且如常氏之說則且蘭國自踰後名牂

息烽縣志

卷之二 建置志 沿革

七

牂柯何以終西漢世止稱且蘭不一稱牂柯乎愚以管子
書考之牂柯自是三代時要荒中一國其名牂柯者按異
物志云有一山在海內小而高似繫船筏俗人謂之越王
牂柯遠望甚小而高不似山近望之以為一株柏樹在水
內又交州記云侯石孤絕高數丈名為牂柯在海中二書
皆以牂柯在海中與謂在江中且是兩山者不同要必有
此山似繫船之牂柯故山以為名而其山或在國境內故
即以名國魏晉以前蓋必有師說也其國在春秋時必雄
大著稱與吳越荆巴等故齊桓數南國之從命者亦屈指
及之自戰國以後別無考見據後漢書言夜郎東接交趾
西有滇國北有印都國各立君長其疆域之廣遠必不在